



Bosna i Hercegovina  
Federacija Bosne i Hercegovine  
Hercegovačko – neretvanski kanton  
Općina Konjic  
Služba za privredu, finansije i  
društvene djelatnosti



Konjic, 05.10. 2020.

## OBAVIJEST

### PREDMET: Medjunarodni Festival hrane "KONJIC FOOD FEST"

Poštovani sugrađani,

Obavještavamo vas da je Organizacioni odbor Medjunarodnog festivala hrane "Konjic Food Fest 2020" donio odluku da se ovogodišnji Festival neće održati, uz obrazloženje koje slijedi.

Općina Konjic je od 2009 godine, u suradnji sa norveškim gradom Bergenom i Savezom poljoprivrednih udruženja, pokrenula manifestaciju nazvanu "Medjunarodni Festival hrane-Konjic Food Fest", imajući, viziju da će ovaj Festival prerasti u događaj vrijedan pažnje, ne samo u lokalnoj zajednici, jer to nije ni bio cilj, nego i izvan zemlje.

Da je vizija bila opravdana, potvrđeno je na prošlogodišnjem, jubilarnom, desetom Festivalu, kada su učesnici, kao i prethodnih nekoliko godina, bili gosti iz svih susjednih nam zemalja: Hrvatske, Crne Gore, Makedonije, Srbije, Slovenije, te iz Norveške, i na našu radost, iz brojnih gradova i općina širom Bosne i Hercegovine, pojedinačno ili kao Udruženja građana.

Uz brojne učesnike sa strane, u suradnji sa domaćinima, do kraja je izrealizirana ideja Festivala hrane, na kojemu su se prezentirale nacionalne kuhinje i održavala tematska takmičenja učenika kuharskih škola, pomenutih zemalja učesnica, koristeći prehrambene proizvode autentične za konjičku sredinu.

Festival je, pored navedenog, imao i turistički aspekt, obzirom da su svi gosti, koji su bili prisutni, u dva dana održavanja Festivala, imali mogućnost da se upoznaju sa turističkim potencijalima naše Općine. te je, zbog masovnosti i originalnosti, isti bio, izuzetno, medijski zastupljen.

Organizacioni odbor Međunarodnog Festivala hrane za 2020 godinu, je, uvažavajući trenutnu situaciju uvjetovanu pandemijom korona virusa COVID 19, koja, nažalost, ima trend povećanja broja zaraženih u zemljama u okruženju, pa i u samoj BiH, donio odluku da se ovogodišnji Festival ne održi, prvenstveno iz sigurnosnih razloga, te činjenice, da se nedolaskom učesnika iz drugih zemalja i gradova ne bi mogli ispuniti zacrtani ciljevi i program održavanja i organizacije Festivala.

Sa iskrenom nadom da će godina nakon ove biti povoljnija, želimo vjerovati da će se jedanaesti Međunarodni festival hrane "Konjic Food Fest 2021" u Konjicu, održati na način kako je zamišljen i svih prethodnih godina, uspješno, realiziran.

S poštovanjem,

Dostaviti:

1. RTV Konjic;
2. web site općine Konjic
3. Službi
4. a/a



2  
Direktor Festivala

Vahid Alibegović, dipl.ecc